



ŠPD "UNSKO-SANSKE ŠUME" d.o.o.
Bosanska Krupa, Radnička bb

Telefon: +387 37 476-901 Identifikacioni broj: 4263074140004
Fax: +387 37 476-929 Porezni broj: 11071044
Komerijala: +387 37 476-906 E-mail: kontakt@ussume.ba
Fax komerc: +387 37 476-920 Web: www.ussume.ba

NADZORNI ODBOR

Broj: 011-3032-4/25

Bosanska Krupa, 03.10.2025. godine

Na osnovu člana 8. i člana 9. stav (1) Zakona o ministarskim, vladinim i drugim imenovanjima FBiH i člana 43. Prečišćenog teksta Statuta ŠPD „Unsko – sanske šume“ d.o.o. Bosanska Krupa broj 019-3030-42/18 od 30.01.2025. godine, Odluke broj 011-3032-1/25 od 03.10.2025. godine, privremeni Nadzorni odbor ŠPD „Unsko – sanske šume“ d.o.o. Bosanska Krupa r a s p i s u j e:

JAVNI KONKURS

**za izbor i imenovanje izvršnog direktora za oblast šumarstva-člana Uprave
ŠPD „Unsko-sanske šume“ d.o.o. Bosanska Krupa**

I

(Predmet Javnog konkursa)

(1) Predmet Javnog konkursa je prikupljanje prijava kandidata za izbor i imenovanje izvršnog direktora za oblast šumarstva – člana Uprave ŠPD „Unsko-sanske šume“ d.o.o. Bosanska Krupa.

(2) Odluku o konačnom imenovanju izvršnog direktora donosi Nadzorni odbor Društva. Na odluku o imenovanju i razrješenju saglasnost daje Skupština ŠPD-a.

II

(Opis pozicije)

(1) Uprava ŠPD-a ima sljedeće nadležnosti:

- predstavlja i zastupa ŠPD prema trećim licima i odgovara za zakonitosti rada i poslovanja ŠPD-a,
- organizuje i vodi poslove ŠPD-a,
- izvještava Nadzorni odbor, po njegovom zahtjevu,
- vrši provedbu Etičkog kodeksa i Statuta,
- izrađuje provedbene propise (Uputstvo i Pravilnik) za postupak nabave i provedbe Zakona o javnim nabavkama BiH, te provodi odredbe propisa o nabavkama i po zaključenju ugovora o nabavci podnosi izvještaj Odboru za reviziju i Nadzornom odboru,
- priprema prijedloge o raspodjeli dobiti,
- nadzire zaposlenike u implementaciji važećih propisa i provedbenih propisa o nabavkama,
- obezbjeđuje distribuciji i implementaciju Etičkog kodeksa i postupanja svih odgovornih lica u skladu sa Etičkim kodeksom ŠPD-a, tako što protiv lica koja krše Kodeks provodi disciplinski postupak,
- vrši zapošljavanje i otpuštanje zaposlenika u skladu sa poslovnikom, odnosno poslovnica i važećim zakonima i u vezi s tim ima dužnost i odgovornosti propisane članom 45. Zakona o javnim preduzećima,
- zaključuje ugovore u ime ŠPD-a,
- obavlja i druge poslove, utvrđene zakonom i Statutom od značaja za nesmetano odvijanje organizacije rada i vođenja poslova ŠPD-a

(2) Uprava ima ovlaštenja za zaključenje ugovora ili niz vezanih ugovora čija stvarna ili procijenjena vrijednost ne prelazi iznos od 15% knjigovodstvene vrijednosti ukupne imovine ŠPD-a, bez prethodne pismene saglasnosti većine članova Nadzornog odbora.

(3) Izvršni direktor kao član Uprave ŠPD-a podliježe dužnostima, odgovornostima i ograničenjima koja su utvrđena Zakonom o javnim preduzećima u FBiH.

III (Mandat)

Izvršni direktor se imenuju za vrijeme od četiri godine, s mogućnošću ponovnog imenovanja.

IV (Uslovi za imenovanje)

(1) Za izvršnog direktora može se imenovati lice koje ispunjava opće uslove propisane u članu 36. Prečišćenog teksta Statuta ŠPD-a broj 019-3030-42/18 od 30.01.2025.godine, te posebne uslove iz člana 61. Prečišćenog teksta Statuta ŠPD-a broj 019-3030-42/18 od 30.01.2025.godine kako slijedi:

a) Opći uslovi:

- da je državljanin BiH,
- da je stariji od 18, a mlađi od 65 godina na dan imenovanja,
- da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objavljivanja Javnog konkursa,
- da se na njega ne odnosi član IX 1. Ustava BiH,
- da nije osuđen za krivično djelo ili privredni prestup, niti se protiv njega vodi krivični postupak,
- da mu pravosnažnom presudom suda nije zabranjeno obavljanje aktivnosti za poziciju na koju aplicira,
- da nije izabrani zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
- da nije u sukobu interesa u ličnom ili profesionalnom odnosu s društvom u kom aplicira na poziciju predsjednika, odnosno člana Uprave.

b) Posebni uslovi za izvršnog direktora za oblast šumarstva:

- VII stepen stručne spreme, VSS, završen šumarski fakultet, (najmanje I ciklus studiranja po Bolonjskom procesu),
- da ima najmanje 5 (pet) godina radnog iskustva u struci nakon sticanja VSS,
- da ispunjava uslove propisane Zakonom o sukobu interesa u institucijama vlasti BiH,
- da ima reference uglednog stručnjaka u svojoj oblasti.

(2) Prilikom procjene menadžmentskih znanja i iskustva za izvršenje poslovnih i operativnih potreba ŠPD-a, kao posebni uslovi uzimaju se u obzir i sljedeći kriteriji:

- organizacijske sposobnosti i prilagodljivosti timskom radu,
- sposobnost savjesnog i odgovornog obavljanja poslova, te nepristranog i odlučnog donošenja odluka,
- rezultati rada ostvareni tokom prethodnog radnog angažmana i preporuka poslodavca.

(3) Član Uprave ŠPD-a dužan je proći odgovarajuće stručno usavršavanje u skladu sa propisima koji donosi Vlada Federacije Bosne i Hercegovine.

V (Potrebna dokumentacija)

(1) Uz prijavu na javni konkurs sa kraćom biografijom kandidati su dužni priložiti sljedeću dokumentaciju kojom dokazuju ispunjavanje općih i posebnih uslova traženih Javnim konkursom:

- diploma o završenoj stručnoj spremi (nostrificirana diploma ako fakultet nije završen u BiH ili je diploma stečena u nekoj drugoj državi nastaloj raspadom bivše SFRJ nakon 06.04.1992. godine),
- potvrdu/uvjerenje o radnom iskustvu,
- uvjerenje nadležnog suda da se protiv kandidata ne vodi krivični postupak (ne starije od tri mjeseca),
- uvjerenje o državljanstvu (ne starije od šest mjeseci) ili ovjerenu kopiju lične karte izdate od nadležnog MUP-a,

- izvod iz matične knjige rođenih,
 - izjave kandidata ovjerene kod nadležnog općinskog organa za ispunjavanje općih uslova za tačke 3-9 (tačka IV, stav (1), pod a) Javnog konkursa),
- (2) Sva dokumentacija dostavlja se u originalu ili ovjerene kopije.

VI

(Ostale napomene)

- (1) Komisija za izbor, koju imenuje Nadzorni odbor Društva, nakon zaključenja konkursa će pregledati sve zaprimljene prijave i utvrditi da li su blagovremene i potpune.
- (2) Nepotpune i neblagovremene prijave neće se razmatrati.
- (3) Komisija će razmotriti sve potpune i blagovremene prijave i sačiniti listu kandidata koji su ušli u uži izbor. Svi kandidati koji budu stavljeni na listu sa užim izborom će biti pozvani na intervju pred Komisijom. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima, te popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Obrasci će se popuniti neposredno prije intervjua.
- (4) Prijava kandidata sa kojim se ne stupi u kontakt u roku od 14 dana od dana isteka roka za podnošenje prijave neće biti razmotrena u daljem procesu kandidovanja.
- (5) Nakon obavljenog intervjua Komisija za izbor će Nadzornom odboru ŠPD-a dati preporuku za imenovanje.
- (6) Komisija za izbor zadržava pravo provjere svih podataka iz izjave i drugih dokumenata kandidata.
- (7) Sve informacije u toku postupka kandidovanja su javne, osim ako informacije o podnosiocima prijave nisu povjerljive u smislu odredaba Zakona o zaštiti ličnih podataka BiH („Sl. glasnik BiH“, broj: 49/06, 76/11 i 89/11).
- (8) Prijave na Javni konkurs sa traženom dokumentacijom dostaviti lično ili poštom preporučeno na adresu :
 ŠPD „Unsko-sanske šume“ d.o.o. Bosanska Krupa
 Komisija za izbor i imenovanje direktora – predsjednika i izvršnih direktora-članova
 Uprave ŠPD „Unsko-sanske šume“ d.o.o. Bosanska Krupa
 Ul. Radnička bb, 77240 Bosanska Krupa
 Sa naznakom: „Prijava na javni konkurs za izbor i imenovanje direktora i izvršnih direktora“
- (9) Na poledini koverta potrebno je navesti ime i prezime podnosioca prijave, adresu i kontakt telefon.
- (10) Javni konkurs će biti objavljen u „Službenim novinama Federacije BiH“, jednom dnevnom listu velikog tiraža i web stranici Društva.
- (11) Rok za podnošenje prijave na Javnom konkursu je 15 dana od dana posljednjeg objavljivanja.


**PREDSJEDNICA PRIVREMENOG
NADZORNOG ODBORA**
Sabina Beganović, dipl. pravnik